

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Secundum

Thomas <von Aquin, Heiliger>

Romae, 1619

Vtrum derisio sit peccatum mortale? 2

urn:nbn:de:hbz:466:1-38762

quia irrisio fit ore , id est, verbo & cachinnis : sub-
fannatio autem naso rugato , vt dicit glos. super il-
lud * Psalm. 2. Qui habitat in cœlis, irridet eos. Ta-
lis autem differentia non diuersificat speciem. Vtrū
que tamen differt à conumelia, sicut erubescens
à dehonoratione . Est enim erubescens timor de-
honorationis,† sicut Damast. dicit.

glintert.
& Aug.
ho. loco.
2. Oris.
fidei, c. 15

Ad secundum dicendum , quod de opere virtuoso
aliquis apud alios & reuerentiam meretur, & famam,
& apud seipsum bonæ conscientiæ gloriam, secundū
illud 2. ad Corinth. 1. Gloria nostra hæc est ; testi-
monium conscientiæ nostræ . Vnde ei conuerso de
actu turpi , id est , vitioso , apud alios quidem tolli-
tur hominis honor & fama : & ad hoc contumelio-
sus & detracctor turpia de alio dicunt. Apud seip-
sum autem per turpia , qua dicuntur , aliquis perdit
conscientiæ gloriam per quandam confusionem &
erubescens : & ad hoc turpia dicit derisor. Et sic
patet quod derisor communicat cum prædictis vitijs
in materia : differt autem in fine .

Ad tertium dicendum , quod securitas conscientiæ , & quies illius, magnum bonum est , secundum il-
lud Proverb. 15. Secura mens quasi iuge conuiuum.
Et ideo qui conscientiam alicuius inquietat, confun-
dendo ipsum , aliquod speciale nocumentum ei in-
fert . Vnde deriso est peccatum speciale .

ARTIC. II.

Vtrum deriso possit esse peccatum mortale ?

AD secundum sic proceditur. Videtur, quod deri-
sio non poscit esse peccatum mortale. Omne enim
peccatum mortale contrariatur charitati. Sed deriso
non videtur contrariari charitati: agitur enim ludo
quandoque inter amicos, vnde & delusio nominatur.
Ergo deriso non potest esse peccatum mortale .

¶ 2 Præterea , Deriso illa videtur esse maxima,
qua sit in iniuriam Dei , Sed non omnis deriso, qua
vergit in iniuriam Dei, est peccatum mortale : alio-
quin quicumque recidiuaret in aliquod peccatum,

O 3 veniale,

408

*l. 2. de sū- enim Isidorus * quod irrisio est, & non pœnitentia, qui
mo bona adhuc agit quod pœnitentia. Similiter etiam sequere-
e. 16. in tur, quod omnis simulatio esset peccatum mortale:
princ. quia, sicut † Greg dicit in Moral. Per struthionem
†. 31. c. 6 significatur simulator, qui deridet equum, id est, ho-
m. 12. si- minem iustum; & ascensorem, id est, Deum. Ergo
enul. derisio non est peccatum mortale.*

*¶ 3 Præterea, Contumelia & detractio videntur
esse grauiora peccata, quam derisio: quia maius est
facere aliquid seriò, quam ioco. Sed non omnis de-
tractio vel contumelia est peccatum mortale. Ergo
multo minus derisio.*

*S E D contra est, quod dicitur Prou. 3. Ipse deri-
det illusores. Sed deridere Dei, est aeternaliter puni-
re pro peccato mortali, ut patet per id quod dicitur
in Psal. 2. Qui habitat in cœlis, irridebit eos. Ergo de-
risio est peccatum mortale.*

*R E S P O N D E O dicendum, quod irrisio non
fit nisi de aliquo malo, vel defectu. Malum autem,
si sit magnum, non pro ludo accipitur, sed seriosè. Vn-
de si in ludum vel risum vertatur, ex quo irrisio
vel illusionis nomen sumitur: hoc est, quia accipitur
ut paruum. Potest autem aliquid malum accipi ut
paruum, dupliciter. Vno modo secundum se: alio
modo ratione personæ. Cum autem aliquis alterius
personæ malum, vel defectum in ludum, vel risum
ponit: quia secundum se paruum malum est, est ve-
niale & leue peccatum secundum suum genus. Cum
autem accipitur quasi paruum ratione personæ, sicut
defectus puerorum & illorum, parum ponderar-
solemus: sic aliquem illudere, vel irridere, est cum
omnino parui pendere, & cum tam vilem aestimare,
ut de eius malo non sit curandum, sed sit quali pro
ludo habendum. Et sic derisio est peccatum mor-
tale, & grauius quam contumelia, que similiter est in
manifesto. Quia contumeliosus videtur accipere
malum alterius seriose, illusor autem in ludum: &
ita*

Ita videtur esse maior contemptus & dehonoratio. Et secundum hoc illusio est graue peccatum, & tanto grauius, quanto maior reverentia debetur persona, quæ illuditur. Vnde grauissimum est irridere Deum, & ea quæ Dei sunt: secundum illud Isai. 37. Cui exprobrasti? & quem blasphemasti? & super quem exaltasti vocem tuam? Et postea subditur, Ad sanctum Israel. Deinde secundum locum tenet irrisio parentum. Vnde dicitur Proverb. 30. Oculum, qui subfannat patrem, & despiciit partum matris suæ, effodiunt eum corui de torrentibus, & comedant eum filii aquilæ. Deinde iustorum derisio grauis est: quia honor est virtutis præmium. Et contra hoc dicitur Iob. 12. Deridetur iusti simplicitas. Quæ quidem derisio valde nocua est: quia per hoc homines à bene agendo impediuntur, secundum illud Greg. Qui in aliorum actibus exoriri bona respiciunt, mox ea manu pestiferæ exprobationis euellunt.

Ad primum ergo dicendum, quod ludus non importat aliquid contrarium charitati, respectu eius, cum quo luditur. Potest tamen importare aliquid contrarium charitati, respectu eius, de quo luditur, propter contemptum, ut dictum est.

Ad secundum dicendum, quod ille qui recidiuat in peccatum de quo paenituit, & ille qui simulat, non expresse Deum irridet, sed quasi interpretariè: in quantum scilicet ad modum deridentis se habet. Nec tamen venialiter peccando aliquis simpliciter recidiuat, vel simulat, sed dispositiue vel interpretariè.

Ad tertium dicendum, quod derisio secundum suā rationem leuius aliquid est, quam detractio, vel contumelia: quia non importat contemptum, sed ludum. Quandoque tamen habet maiorem contemptum, quam contumelia, ut suprà dictum est: & tunc est graue peccatum.

in co. ar.

in co. ar.